

Song Bouh Saw Moq Canghraiz Lungzanh Baeznduj Fatbouh



11 nyied 29 hauh, hoih faenyienj saw moq canghraiz bonjdieg Lungzanh Yen caeuq “saw rang singzmbaj” doeg saw doigvangq vwnzmingz saedguh hozdung youq yienh Seizdaih Moq Vwnzmingz Sizcen Cungsim guh. Lungzanh Yen boux yenzgiu bonjdieg vwnzva Luz Youjcoz 《Lungzanh Vwnzva Yaenqgeiq》 caeuq boux canghsei Bouxcuengh Lij Yinzvaz seicomz moq 《Funghlingzguj》 youq yienhciegz fatbouh. Baez hoih faenyienj saw moq neix dwg gij banhlap youqgaenj Lungzanh Yen hwnqguh “saw rang singzmbaj”, mboujdan baijok le gij vwnzyoz cwngzgoj bonjdieg baenzhoengh, youh laeb diuz giuz canghraiz caeuq bouxdoeg doxgyau.

(Loz Denh/罗添 Liuz Dingzveih/刘廷辉 Se Liengzyij/谢梁雨)

◀Bouxdoeg youq gwnz hoih langhsing doeg saw. Liuz Dingzveih ingj

Gveilinz Bingzloз Guh Ciet Vwnzva Gijgwn Ndei

11 nyied 29 hauh, Gveilinz Bingzloз ciet vwnva gijgwn ndei cibbet oemq • Dungzanh nohgouyuz youq Dungzanh Cin guh, hozdung youz Bingzloз Yen Dungzanh Gouyuz Hezvei cawjbanh. Ciet vwnzva gijgwn ndei yungzhab minzsug cunzyouz、yienjheiq、doxdax gwn nohgouyuz、mbanj caeuq mbanj dwk lanzgiuz doxdax daengj hozdung, supyinx le baenz fanh boux ginzcung caeuq hekyouz daeuj camgya hozdung.

(Vangz Swnglinz/黄胜林)



▲Baenz congз gijgwn ndei vunzlai ingj sienga byaengbvaeng.



▲Conhgyah bang ginzcung yawj bingh mbouj aeu ngaenz.

Dasinh Yen Guh Hozdung Senhconз 2025 Nienz “Ngoenz Aiswhbing Seiogyaiq”

12 nyied 1 hauh, Dasinh Yen Veigen Giz youq Dwzdenh Gvangjcanz guh hozdung senhconз 2025 nienz “ngoenz aiswhbing seiogyaiq”. Yienhciegz laeb dieg cazcam、dieg yawj bingh、dieg baedauq, doenggvaq conhgyah gejgangj、cihsiz camdap、fat cek senhconз daengj hingzsik, son ginzcung baenzlawz fuengzre aiswhbing. Daengz seizneix, Dasinh Yen gaenq guh hozdung senhconз fuengzre aiswhbing 26 ciengz, fuzvu ginzcung mauhgvaq 11 fanh vunz baez.

(Guj Yaujcinh/谷晓珍)

Ginhsiu: Vunzmbanj Mbit Raetdungxmou Angq Demsou

11 nyied 27 hauh, gij vunzmbanj Ginhsiu Yauzcuz Swciyen Douzbaiz Cin Mbanjwbaiz cingq youq ndaw civei daihbungz mbit sou、faen genj、buen raetdungxmou, yienhciegz nyaengqnyatnyat. Seizneix, daengx aen cin guhbaenz civei nungzyez daihbungz 510 aen, ndaem gva、mak、byaek、raet miz daegsaek daengj, mizyauq daiqdoengh ginzcung youq bakdou ranz couhnieb, vih lajmbanj saenqhwnг dwk haeuj rengzdoengh haenqrem.

(Gauh Yuzginh/高如金)



▲Vunzmbanj youq ndaw bungз buen raet.